



# SUATEA



SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES - C.I.F.: G33 027632  
C/ Telesforo Cuevas 2, 1ª A dcha. - 33005 - Uviéu. Tfno. 985 274 343. Fax. 985 236 464.  
E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)

---

Los retayos salariales previstos nel real decretu 8/2010 pol que s'adopten midíes extraordinaries pa la merma del déficit públicu van llevase a cabu en toles nómines dende xunu a avientu de manera que **nel conxuntu del añu 2010 se faiga una merma global añal del 5%** en tol sector públicu afectando más a los grupos que más cobren. Esto, na práctica, fadrá que les nómines del profesoráu, de xunu a avientu, mermen un cachu más d'esi 5%. Un proyectu de llei del Principáu d'Asturies de midíes urxentes de contención del gastu y en materia fiscal pa la merma del déficit públicu, que se votará (paez ser que'l día 9 xunetu) na Xunta Xeneral, regulará cómo se fadrá esa merma nes nuestres nómines. Demientres nun s'apruebe la nuestra llei, tien calter básicu la estatal y la mengua solo afectará a les pagues básiques: sueldu y trienios. Los complementos son de competencia autonómica.

En conceyu informativu celebráu ayer cola alministración, treslladáronnos que **la merma nes pagues básiques (sueldu + trienios) no que queda d'añu**, tendrá una media estimada por grupos qu'apaez na tabla

Grupu A1	Grupu A2	Grupu C1	Grupu C2	Grupu E
-9.72%	-6.46%	-3.90	-0.38	0%

En casu d'aprobase'l proyectu llei asturianu, los retayos cincarán tamién a tolos complementos nes cantidaes que se determinen nelli (previsto: -3.65% en complementu específicu y complementu de destín; y un 5% en tolos demás complementos) y **con efectos retroactivos de merma a 1 de xunu de 2010**.

**Con toos estos datos esclárase que la merma pal profesoráu ye un cachu mayor del 5%.**

A estos inalmitibles retayos nos sueldos hai que sumar los que yá se tán faciendo nes plantiyes y se tienen previsto facer (28 millones d'euros menos en gastu personal de dalgún sitiu tienen que salir). Estos díes, l'alministración, vía postal nunos casos y telefónica n'otros, ta informando a los centros de retayos d'unidaes, axustes horariu llectivu al máximu, recortes de programes educativos, l'anunciada reconversión de los servicios d'orientación, despidos de profesoráu interín enantes d'acabar contratu nes Escueles de Música y Idiomes son dalgunos exemplos.

La consejería d'Educación nuna reunión colos sindicatos, entregó'l calendariu d'actuaciones d'últimos de cursu nuna fueya que nun tien nenguna validez xurídica al nun dir avalada por nenguna disposición reglamentaria y nella figura'l calendariu pa sacar les llistes de persones "**desplazaes por insuficiencia d'horariu**". **SUATEA** yá alvirtió a la Consejería Educación qu'esta figura ye agora ilegal (según avala sentencia del tribunal Supremu) y amenazó con entamar les afayadices acciones llegalles contra ellos. Recordar a les persones que puean ser **afectaes por esta figura ilegal** que tienen tol derechu a permanecer nel puestu trabayu qu'ocupen y nun aceptar el chantaxe de les propuestas de desplazamientu que-yos faiga l'alministración.

Toes estes midíes son solo l'aniciu de futuros y drásticos retayos nes condiciones de trabayu y pagues del profesoráu, que castigarán en mayor medida a los más débiles (interinos/es) qu'estimamos llegarán a perder, en munchos casos, el puestu de trabayu.

Dada la gravedá de la situación, dende **SUATEA**, llamamos a la participación nes movilizaciones que s'entamen nestos díes.

Uviéu 22 de xunu de 2010